

白王朝經世文新編

一
函十二冊

皇朝經世文新編卷十八下目錄

民政

弭兵會記叔名萬國

弭兵會續記

弭兵會議上

弭兵會議下

論弭兵會

列國息爭條約

英國大赦奴僕記

美民自主記

地球六大罪案有總序

英人李提摩大附

美人林樂知附

美人林樂知附

美人林樂知附

闕名

日人關名附

英人沙士勃雷附

差利刀附

劉樹麟

民政

順德麥仲華曼宣輯

弭兵會記以弭兵為國

英人李提摩太附

在昔春秋之際晉楚交爭詰爾兵戎無歲蔑有生民塗炭小國苦之宋向戌善於晉趙武又善於楚屈建欲弭諸侯之兵以為名如晉告趙武以韓起言許之如楚楚亦許之遂如齊秦又徧告於諸侯以周靈王二十六年為會於宋此為千古言弭兵者之濫觴顧宋之盟楚人衷甲與晉爭先是以信召人而以僭濟之也故雖繼會於號不旋踵而輒背然而聖人猶嘉許之伏讀高宗純皇帝御批通鑑輯覽曰春秋至魯襄末列國之困於兵甚矣合晉楚之成藉以稍緩生民之塗炭故盟宋以後兵雖未能盡弭而中國無大侵伐者幾十年不可不謂之小有功而穀梁以為晉趙武楚屈建之力而不知亦向戌之力也後儒乃以二伯為成罪可謂虐古大哉王言信足以立萬世之準繩矣歐羅巴洲各國素以窮兵黷武為雄自法國拿破崙第一皇始諸拿騷擾歐境以來各國之於武備日益講求一國有所械他國輒防之不特防之又從而思所以制之一國有額兵他國輒倍之不特倍之又從而思所以練之於是日增月益彼異此奇若英吉利若俄羅斯若德意志若法蘭西若奧斯馬加若意大利諸大國之兵額少者一百萬名多者至四百萬名每年所糜兵餉幾於不可紀極即以英論十年前每歲需餉約英金二京五兆鎊合華幣四兩即一萬鎊約今則增至三京五兆鎊實足駭人間聽他國雖稍亞於英然亦所少無幾以此多兵不幸而出於戰固屬殺人盈野大千造物之和幸而不戰則歲耗民財養此行閒坐食之輩民安得而不貧國安得而不困救世之士泯焉傷之以為我教流傳雖偶藉兵力以資護衛然殷殷素抱惟願以道德感人斷不欲以權勢威人是故戰禍猝興恒瘁其心力以調停之數十年遂有著各教士擬創立弭兵新會遍勸各國之君相大夫若與他國有違言宜共請局外之國判決是非不必遽以兵戈從事且友邦訂定和約之際必先增入一條若曰凡我兩國異日苟有齟齬必延他國東公剖斷不可先逞兵威厥有數國所然樂從積而久之遂儼成萬國公法之一考弭兵會之興始於英國教士今則不但為英國之私會於法國巴黎都城公會每年會中人訂期會議一次共商弭兵善策其第一次會於法國巴黎都城第二次會於英國倫敦都城尚未有違官赴會也去年第三次會於意國羅馬都城竟有十七國之大僚後先來會於是更成為萬國弭兵官會者是年有疑難大事四端幾至失和者八國一亞美利加南洲之巴西國與銀國爭邊地將興兵矣乃遵弭兵會之議公請美利堅國

堅國之君評其曲直二法國與和蘭國互爭南美洲之屬地亦遵弭兵之議公請俄皇定其界址三葡萄才與英國互爭阿非利加洲濱海之地則請瑞士國之深於學問明於公法而又著名公正之三律判斷其是非四英美兩國國民人在杯冷海峽捕獲幾成不解之仇英則請坎拿大驢洲英議員暨書院大山長美則請本國書院二山長各予以全權視其所議作為定論凡此四事皆在去年皆瀕危而免禍是即弭兵會之明效大驗也今年之會訂期本月共聚於瑞士國會中人預籌共商者計十二事其尤要者則推廣本會名曰歐洲一統太平會也核定太平會中應得之權也取五洲各國之險隘作為公地不令一國獨踞也申明一二年前在美國所議太平會章程也太平會中人應請弭兵會中人開造各國機務清冊以資稽考也而弭兵會又開報去年辦事之清冊刊發七千紙徧交英國教士并勸各國教士每年救世主誕降一禮拜此日也西人恒之前訂定一日於講道之外力勸衆人務敦和睦而時時以萬國太平為心聞已有教士二千人允為照辦兼願訂為常例去年弭兵會又遣人分赴殷聞之都市講論敦崇和睦之益凡四百五十次更思淘汰書籍俾學塾之中幼童所讀之書鮮涉兵機而多陳和局以備蒙養及至今年俄國饑饉為災會中人議撥英金三萬五千鎊^{約合華銀}住賑賑此雖非本會中應辦之事而念弭兵之實際無非體上天好生之德以拯民於水火賑荒善舉即其端之顯著者也故毅然行之外有微斯理會編請五洲同會中人集於美國共商化民成俗諸事兼及弭兵要法考徵斯理本於教會中至為廣大此次會中講論多與各國大有關繫竟蒙美君及英國駐美欽使欣然赴會此一百年來所絕無而僅有者蓋美君英使均視之與議院坪矣抑又聞之今年英國相臣曾論弭兵之事云昔之各小國往往如蠶觸共爭今俱不敢妄動即有躍躍欲試者大國亦必不許此可助弭兵會之所不逮況各大國今雖汲汲於武備非好戰也必有備而始可無患也上天以生人為心將來一統太平會愈推愈推愈廣萬國盡服其定章即有萬難善處之事吾知當局者迷旁觀者清一經公斷不令無辜赤子肝腦塗地德莫厚焉功莫大焉即此數語可見西國雖有多兵其君臣上下皆願節取有子和為貴三字之義假以歲月此會必底於成從此殺機盡化且樽節無窮之兵費移以興裨益民生之事行見天地絪縕無非太和之所凝聚民生自髫髻以至老死永不見有兵革之禍端懿歟休哉故樂得而為之記時光緒十有八年閏六月即西歷一千八百九十二年八月也

弭兵會續記

美人林樂知附

泰西欲創弭兵之會法良意美為亘古所未有光緒第一壬辰不佞曾作一記見者皆歡喜贊嘆不能自已邇來載更寒燠矣歐洲大局益如厝火於積薪之下寢假而微風偶扇必致鬱攸赫怒禍起燎原危哉機乎夫德法兩國積怒宿怨糾不可解固

而連難之氛又相繼德防法則結集意以為勒法國德則倚俄以自張英雖處於局外惟歷代以來恆思抑法之策即不免揚德之波俄法洵懼希臘丹麥兩小國俄威也介於歐洲之衝遂欲深相要結以成犄角而德奧意之求合於英者其情愈亟嗚呼時至於今岌岌乎不可終日胡為弭兵一會垂成而猶未遲成也法人摸稟那裏宸創為局外聯盟息戰之說曰法俄兩國之連橫定德奧意三國之合縱成騎虎豈能遽下愚以為局外若和蘭若比利時若瑞士若丹麥若英吉利諸國亦宜互訂一約而推英為盟主其載書若曰我等五國於合縱連橫兩局初不過問異日者誰為戎首我五國是援是伐誰為應兵我五國是匡是扶有渝此盟神明殛之盟定而局外之感震必無敢妄動者矣余謂是說也仍不免以力服人之故智湯止沸庸有濟乎又有美緒紳培鵬獻策曰若英若美二國日光永照從無竟陸嶺巖之片刻西半日照地面為重東半球地球背日而夜西半球球之承日也
練山彼已鑄鍊掛曉海船轉練以西兩畔其地之夕離生齒既盛威權又廣即舍藩服而計本地他國亦莫之與京今英美若合而為局外之一雄以制局中之諸國當無有蠢動者是亦不外以力弭兵之意而更臺涉美洲不益將多事乎美國官途中人憂乎麗者論一首刊入美之大日報云今歐洲當危急之秋我美國民主宜執牛耳而請諸國各簡大臣會議天下太平之良策議既定即創立天下太平總局諸國又各簡舍力尚德之一二大臣分掌局事後諸國有交涉機務為使臣等所不能定者申請總局秉公核斷無使棄好成仇此與弭兵會本意相符惟指諸美邦為主則會中人尚未道及者也羅禮西門考法之名臣也年已八旬優游林下而矍矍時局未之或忘頃者亦著一論曰緬昔法德之戰德割法之二省地法人曰奪我燕支山使我無顏色法德之交今猶未合實緣於此矧二省之民情頗似陽樊之不暇晉日望法君收入版圖法人聞之益未能釋而德則如獲石田何所受懲鄙意不若舉二省全境各視為甌脫之地而別立獨局外之小國從此法可洗失地之辱德亦不必誇得地之榮累載烟迷一朝冰渙豈不美哉否則兩國朝夕戒嚴旁及歐洲諸國亦不能歸焉放牛詠歌干戈彘弓矢之句嗚呼余壹不知局外諸國何日始能聯公會設善法以保持太平之局使我法如釋重負且藉以靖歐洲之心哉羅禮西門又曰大種伏矣一星之發禍懸眉睫其險殆不可思議故今已屆西曆一千八百九十四年再閱六年即為第十九周結束之期巴黎將設大會以與百年前事相比較在此處中法步趨後百年為一周十九百平則廿九周也凡泰西之事所以興替遞進此固極驗證於一千九百年分新史觀要錄大會開闢世間法可成全在於於是亞細亞人皆部意見若會乘此會期偏集諸國君相共訂息兵條約即於第二十周之首年集思廣益務期銷兵氣為祥光彼此皆招撫以禮懷遠以德鄰治之隆慶以加於此矣至此六年中或即從慶乎麗之策敦請美國民主主持壇坫縱有萬不能忍之事亦斷不以戎衣相見徐待十九年大

會之際公評簡直此則區區愚忱所繫香禱祝以求之者也又曰愚以為歐洲創太平總局之議似可望其有成蓋英拿破崙斯敦城土瑞公常盛稱此局之善蓋美毫無異議他國君相亦無有不首為之肯者似此推行邊廣端倪畢露正如人行隧道中忽見日光普照老夫耄矣苟得於吾身親見之其欣幸為何如哉總之以上諸說雖微有不同或更畧有疵累而弭兵之局實已一倡百和不遠餘力果底於成誠歐洲如天之福也惟鄙人以為於亞洲亦大相關竊有私議具見下篇

弭兵會議上

美人林樂知附

天生五材民並用之去一不可誰能去兵此春秋時惑人之妄語也而更厚誣乎天直若天特生此殺人諸具以荼毒生靈也者非僻之見尤屬悍謬夫天之大德曰生古訓昭垂具有至理故善體天心之聖人無不好生惡殺與彼蒼相默契不以時異亦不以國殊迨流極既衰彼猜此忌謂人事所當盡天德不足尚也國威所當振天心不足恃也於是有所爭地以戰殺人盈野爭城以戰殺人盈城者卒之殘酷之氣上干天怒中國之秦始皇二世而亡法國之拿破崙第一皇及身而鎗於絕島可知窮兵黷武誠天心所深惡而痛絕者也方今泰西諸國德奧意為合縱俄法為連橫廣購虎視各不相下英雖處於局外而練兵籌餉亦復日昃不遑推其養精蓄銳之意皆欲使人不敢伐我非必欲藉此以伐人然揚湯止沸與抱薪救火者將無同一旦禍機猝起全局脅動歐洲錦繡之士將變而為燐血之場言念及此心折骨驚而挾其受病之原總不外逆天二字語曰順天者昌逆天者亡嗚呼可不戒哉泰西有道之士以敬天愛人為己任充類至義之盡即以代天教人為己任目擊諸大國互樹黨援互爭雄長無辜赤子慘遭鋒鏑爰創弭兵大會奉上天好生之古訓以為圭臬歲時會議弭兵之策書於牘者胥手數指演於口者徹古焦唇務期必底於成而後已乃可成而猶未遽成者人心之阻非天運之窮也僕嘗推本窮原竊以為惟天有命所謂惟皇上帝降衷于下民若有恆性也即天命而顯之則為天道所謂天有顯道厥類惟彰也即天命而分之則有統攝之力焉一曰傳道昔孔子行道無吾與而喜傳道得吾徒道何在在於天故傳道也者天之所命也一曰通商以義補不足自古迄今由中暨外天不能使百產之菁莪聚於一地而恒欲使五行之生剋便於東人故通商也者天之所命也一曰締交昔湯文以大字小謂之樂天太王句踐以小事大謂之畏天故締交也者天之所命也至合傳道通商締交三者而皆歸於上帝之統攝尤必以大道為之原東方有聖人抱安老信友懷少之願西方有聖人此心同此理同也故不特視同洲本國之人皆吾兄弟即遠而至教化未通之域亦一一思所以拯之其道統則一脈相傳歷二千八百餘年而不墜極其量之所至將使國之與國民之與民無不相通即無不相愛想雲懷靈化而為甘雨和風其志願誠宏遠矣若分大道之端緒而為國政則必

以愛人為主匹夫匹婦有不得所者若己推而內之溝中其自任以天下之重如此此豈肯踴躍兵不祥之覆轍而實為以其所愛及其所不愛如梁惠王哉又若廣大之道之涵益而為邦文則當默念乎天之視人不分氣類必使有幸而無殃有合而無分治安則相慶患難則相恤庶幾克完乎天之所賦昇否則離世獨立知有己而不知有人反不如禽獸之愚尚有或羣或友之一候也三者之基既立天命在是天道在是天力亦在是是何待弭兵會中之職手執指敵古焦唇萬國始永保太平哉然而有疑焉有妬焉疑則疑夫人之害我也人有堅甲利兵害我之具人有府庫倉廩害我之資妬則妬夫人之勝我也我有鐵艦人勝我以水雷我有堅臺人勝我以銅礮及至疑之不已妬之不已凡人之足以害我者我亦求所以害人凡人之足以勝我者我更求所以勝人積之久焉小民之脂膏盡揮霍於廠局之水火壯丁之筋力盡銷磨於營壘之風霜曾足仁愛如天心者而忍出此哉為今之計莫若盡去人之疑妬心以斷合乎天之仁愛心通力合作聯萬國而為一體其軍械之已成者分別陶冶相約從今以後但有舊燬而無新鑄其軍額之已定者分別裁撤相約從今以後但有舊遣而無新招至疆吏之事或不虔則兩國各自述其所執之理以告於弭兵大會請其曲直而調處之務使我無爾詐爾無我虞天下雍熙萬然成一道同風之治我知蒼蒼者天必有錫福庇於無疆者以視今之久伏禍機日即貽危之苦其相去豈尚可以道里計哉或曰敢問弭兵會之所執者何權所恃者何勢果能使萬國之遵行而無阻乎則語之曰弭兵會奉好生惡殺之天命則所執者天之權也體周流無滯之天道則所恃者天之勢也故夫自逞其富強而欺貧弱者自多其明聖而藐等夷者皆天之所不許也天之所不許弭兵會亦豈肯許之哉吾願挾弭兵之本意曰必使地球之上有和而無戰有通而無塞有同而無異有合而無離

弭兵會議下

美人林樂知附

心太平生今之有心人也甲午上元之夕造鑄鐵盒地球弭兵會議上懷然為問曰林君以弭兵之道原本於天子更賜言乎天人相感之機發前人所未發其旨深矣顧子生長華邦盱衡時局忠義之氣久溢於宇裏行間今又瀟灑洋洋創為此議乃無一語及於中國豈以弭兵之關鍵全在歐洲中國處此時勢不防效秦人之視越人肥瘠漠然不如喜戚於心乎縷譽倭史曰胡為其然也今天下之安危惟繫於俄俄俄欲擅海疆之利出其兵輪商船馳驟於洪波巨浸而德都相靈之盟約難渝也黑海一口不得越雷池一步也壁諸戰國函關雖險直以一丸泥封之秦之坐困於合縱也久矣法戰國之楚也德趙也楚徒欲報趙讐實然結秦以為助秦人喜遂其連橫之計而與楚懼此其志不在小故天下而無事則已有事俄必藉法之勢近謀土耳其基即突厥之誤也連侵阿富汗以進窺乎印度而敗黑海之盟英之於戰國齊也楚氣甚惡秦謀方張惟表海之雄邦庶足

制之見俄人窺其雄藩英人豈能坐視必將急與德連而并連乎臬意以嚴黑海之鎖鑰以固印度之藩籬而俄英之衅成矣
法得俄助將必藉俄以攻德德求助於臬意法求助於俄而德法之讐益深俄臬意之讐又結於歐洲幾無寧宇此前議之
所以注重西方也弭兵之會成則歐患紓亞西亞洲之印度同享太平之福弭兵之會不成則歐險固如累卵亞禍亦等然眉
中國富庶甲於亞洲俄之耽耽而逐逐者甚於印度今惟英欲制俄故玉帛之交於中國彌篤耳然正惟英欲制俄故干戈之
覺隱伏於中國而猝不覺前議之不及中國者非敢忘也將有待也辱承明問深觸杞憂顧實所知以實有道且夫修其邦制
以與四鄰交而長駕遠馭關土地於遠方者歐人之所長也閉關謝客嚴中外之防而海有禁山有封陴歷然自守者中國之
古制也古制之善者遵而行之可也古制之善而不宜於今者改絃而更張之可也泥古而不通今守常而不知變中國之所
短也譬諸操舟細流淺瀨不防繩纜維之迫夫秋水大至百川奔湊猶局守乎鐵索攬孤舟之勢則非纜絕而船隨水去即
船沈而人與船亡耳何況以船而擬中國非禍心不怒之虛舟而百貨充物之滿載也鯨官貝室中人豈美折慕而思篡取者
亦既紛然其環列故俄則蠶食黑龍江瀕近之沃壤法則鯨吞越裳氏累代之藩封正不徒英之占香港取緬甸圖西藏葡之
踞澳門日本之夷琉球窺朝鮮涎臺灣此職判中甲午春仲滿國公為往事之明明可鑒者也今俄又思蠶食乎伊犁法又將
鯨吞乎暹羅矣俄法之交既合俄包中國之北法裹中國之南中國則仍淡然漠然以妄動為炯戒更譬諸磨中國倘如謗所
謂下井磨者永無轉動之一候其失計已不可思議前又自甘為米一任俄法兩石上下交磨其糜爛之情形尚忍言哉且此
特就歐洲未亂時言之耳歐洲而既亂矣俄以圖犯黑海為開宗明義之第一章英即力扼黑海為發凡起例之第一義英遏
其前糾德以蹙其後糾臬意以撓其旁臬意韓魏也扼秦之吭當不得逞而積忿之所至遷怒亞洲一旦移權而東不敢徑圖
印度乃下黑龍江以覬覦乎朝鮮朝鮮小弱之國豈能掙拒俄則拒其海口而以海軍趨印度洋英人之憂未艾中國之禍其
殆始矣今夫中俄兩國於帕米爾緬以譯之分界之案或得或僅陸地耳英猶時時注意刻刻關心寢假而禍起朝鮮中國無
閉門推月之心英又決無袖手觀棋之理大告之不已加之以師旅是猶狂瀾之既倒而波及於中華也當此之時中國懼失
東藩喜通西笑悉其精銳與英軍相犄角始無論勝敗之數不可知就使得勝目前則調兵有費日後則防邊有費以中國度
支歲入約一垓金詎知而計歲出之款方有加而無已更多此意外之耗其將何以堪此然則中國將不出於戰乎不出於
戰是長俄之虐而失英之歡也然則將出於戰乎出於戰則英之助未可長恃而俄之仇立見益深也於彼於此無一而可謀
國者當之不已大費躊躇哉今幸有弭兵大會董其事者類皆好生惡殺之太善士前年之會散動十七國之君卿相率與參

未議故以美國之遠在美州如戰國之燕秦禍雖重不虞戎馬之駭至近猶有倡言於眾者欲請其民主總制兵會事務使歐洲諸國耀德而不觀兵我華勝於戰國之宗周固不可以道里計諸國相戒不敢妄動者有過而無不及誠使仗義執言教策為弭兵會主凡萬國公法之尚有缺陷者悉為補之而以皇天無親惟德是輔之古訓切切為諸國道諸國雖早已知之亦未必聽之策使俄尚還得寸得尺之計中國即可布告弭兵總會請各國之公評各國知其曲在俄亦必能仗義執言以報中國是之謂戰勝於廟堂至於各國之能許我主弭兵會與我之自為計則更有進焉者今有富室於此千斯倉萬斯箱豐年而有慶者歉歲亦不虞其食匱乃有米而不知糴反日以乞米帖致鄰家其善者則笑而不相應暴者則罵而取之矣中國地不愛寶百礦之產何所不有向誠若於不知耳亦既知之需煤則近購諸日本遠則購諸歐洲需鐵則東去乎兼金西來乎百鍊其與藏米之富室又何以異殊不知通商惠工諸大政皆本於民意之自然惟天欲使乎人故地能生乎物中國乃勝於成見固結而不可解生使無窮美利尚瀕於泥沙瓦礫之中是違天也違天而長寇讐後雖悔之不可及也況乎中國之所憂者謂西國以貨物賺我金銀也豈知西商之所欲得者在貨而不在財假如鄉居之人以其田中之所產售於五都之市乃歎計吾鄉所寡有者將於此行致之庶幾得利於市轉購市中之物還而售諸鄉間或一本而兩利乎既而環顧諸市間并無可稱鄉居之用則惟有囊食而返竊嘆飢不可食寒不可衣耳西商之不足於中國者猶之乎鄉人也非欲掠中國之金也誠使中國默體乎天命之主宰以新合乎天道之流行於天所隱示之統攝諸力無不任天而動以中國廣土眾民足將歐洲之全境聰明才智久為西國之先聲吾知一二十年間微特高出於亞細亞且可迥超乎歐羅巴於是弭兵一會西人導其先路華人總其大成直使德意之合縱俄法之連橫盡歸於太平之寰宇而尚何俄之足為華患與夫莫之敵俄而助華也哉心太生躍然而起曰善哉議乎中國而如子所云也孔子曰德之流行遠於置郵而傳命僕不欲將拭目而觀王化之成矣

論弭兵會

問天生五材民並用之誰能去兵西人之有弭兵會也誠欺偽禁抑迂遠不切事情非今日所宜言歟請求其洞洞其微按其理以祛予惑曰此積數百年神聖之用心而甫見端倪者也其在春秋疾火攻疾滅國疾始取邑故于宋襄之仁嘉其守禮以謂文王之戰不過此蓋將以闡國王之法治萬世而華元向成弭兵之說所由來也故孔子生平所惡而懼者戰禍而隱其旨於春秋孟子曰春秋無義戰而於民賊獨夫之為太息痛恨之不已此孔教嫡派也惜孔孟之教不行而衰周而秦而漢而聖唐宋元明黎孔孟所切齒者特為享毒萬物之秘殺機既啟民禍斯棘由是而有項羽長平之坑劉石河洛之慘回紇長安

之焚耶律德光打草穀之虐金幹韃不宋汴之殘黃巢方臘劉福通李自成張獻忠洪秀全以匹夫倡亂殺人如麻天地震動山岳聞然異哉古以洪水猛獸殘人者不同類也今以人類殘人類每經兵燹千里邱墟流血成渠骷髏盈野觀周餘靡遺傷心慘目何其酷哉尤可異者成吉思汗席其匈奴悍悍之性殄國四十餘殺人五百萬妻妾五百餘人病死六盤山子若孫卒撫中原以奴漢族明太祖成祖無其雄武而陰鷙慘刻類之由是觀之天地氣機之變日甚一日如成吉思汗其人者尚未絕於天壤恐竭上帝搏人造物之精英不足供其錫鏡矣可不懼哉今夫西國兵禍如馬基頓王亞歷山德殺人三十餘萬十字軍死者二百餘萬拿破崙破舊窮兵歐亞殺人數百萬及師丹蔑士黑海之役殺人數十百萬不等夫人而知之請言波斯紀元前四百八十年波斯王澤耳士驅眾五百餘萬伐希臘為希臘將地米斯多所敗僅以身免紀元後一千四百一十年蒙古帖木兒郎攻波斯精騎腰九萬餘為京觀一千七百二十二年波斯與阿富汗連兵七年殺人一百餘萬請言羅馬紀元前一百二年大將馬黎約擊迫檣于高盧之該色士的殺人二十萬虜九萬人又擊深不爾于黑羅那平原殺人四十萬虜六萬人約計馬黎約之為將殺虜近百萬紀元後六十九年羅馬帝非士巴山命其子弟度圍耶路撒冷大肆屠戮猶太人餓死者六十萬人戰死者一百三十六萬四千人為禽者九萬九千人絕食死者一萬一千人一百六十年羅馬哈的緯又殺猶太民四十四萬人請言法蘭西七百三十二年法將查理馬突耳西理其名馬突耳破亞喇伯回兵于波亞利稀突狂戰斬首三十萬虜後沙爾馬破西班牙死者三十七萬人路易十四霸西方用兵四十年設巴士的大獄以檻繫其民縱十五萬世家以牛馬其眾濟辟子曰西國千餘年來奇禍橫生蓋難觀縷茲特其戰禍之顯著而已刻心慘目言不忍言聞不忍聞又況其權勢之壓勒虐政之摧殘者哉今夫回祖摩哈默一作穆罕默德西緒餘煽梟雄之毒謀殺人為天使之權職死有天堂之樂至以其術鞭笞數十國奴隸數十萬人皈依千百萬眾掠少女萬數肆其淫兇愚其黔首而土耳其波斯接及等國方祖述之弗衰今者君雄峙立殺人之器日精殺人之法日夥殺人之心日侈豈黯慘湮天日不明塵塵地球殆難思堪然吾知之矣兵禍之奇權力構之權人心畔之欲平權力正人心莫如因英美已成之彈兵會推廣之以上規春秋太平之法西國公法家言古之猶太國人以客亞即有彼此不相攻伐之議而荷蘭儒者虎哥思戰歐洲兵禍乃著平戰各規行於世蓋即春秋弭兵之旨道光二十九年一千八百四十九年歐洲列國會議於法京城立弭兵會於是乃有弭兵會之稱然其機實萌于天啟四年一千六百四十四年英教師傳格司所創之朋友會會意以好動干戈即治以叛逆之罪懸懸至今其理益著洎道光間英議院始議定弭兵條規咸豐初又有英人李察重定弭兵條規又復於各國分設枝會數十年來諸國遵其條規而免戰禍者

三十六次近年英美鑽研此義者益多如南北花旗之戰英船乘危圖利攻劫美國商船財貨事平兩國公請正人評曲直乃斷英應償美商銀一千二百萬兩從之行英美兩國如有和戰交涉案件均經審問堂派員論斷不得妄又光緒元年日本與秘魯攝峙亦請人評定乃已其餘小國因調人而救寘者亦復不少雖俄法之強橫突厥波斯之頑悍日本之矯飾難盡執此議以相繩然果將來推闡此議之人日多一日即彼桀驁者亦無詞與之枝梧未必非挽回二千年來兵禍之奇策也英人羅柏村曰現議兩法如能遵行則各國自得大益其第一法欲令各國永立和好之約議定各國各派兩人成一和好會辦理各國相爭之案所派入會之人必為眾所推舉第二法欲將各國應許公法彙成一書已經俄京與日內瓦議成會將其數要款酌定又在法京巴黎與美京華盛頓所與數國立和約內亦將數要款訂立公法為各國所應允無論因何肇釁俱有定章辦理使無可疑之處則強國弱國俱免禍起事端謹哉此舉乃余向所謂積千百年神聖之用心而甫見端倪者也故歷數中西史乘兵禍之奇慘者正告焉

列國息爭條約

日人關名附

邇來英美訂列國息爭條約最為可記之事蓋近古以來所謂文明之國與列邦交涉之情形有二一為武力碩大一為喜譚和局抑近今兵器日加精巧又益以窮理致用以致其精致古今東西之史冊未有民盡為兵如今日之制者也故極而論之歐洲現今之國民是直以戰為性命者矣且夫兵者凶器猶未能脫野蠻之習而測度各國之文明高下者猶以兵數之多寡為標準豈非最可怪之事乎然兵力強大雖如斯之盛而人民之愛和局更有甚焉試觀列國君主蓄兵雖多而聞其所稱以為榮譽者則曰維持天下之和局也若窮兵黷武之名則無願居之者蓋其畏懼戰爭恐破和局之念居多故置足兵蓄糧欲以厚養其勢力而必不敢輕於一試由是觀之所謂武備之擴增廣大者本出於欲維持和局而共樂太平也蓋由其人民專事貿易逐利而又有參政之權故為上者不能不徇人民所欲而保全和局也抑交戰也者不過使武官成其功名而在人民不得不分任其鉤費況交戰則阻礙商務是故窮其利勢所謂交戰者獨利於少數之武官而損於多數之人民也甚大矣夫交戰之阻礙外國貿易非阻害國內工商之足比也今輿論之當遵從如此商務之繁盛如彼而各國咸欲免交戰之禍誠自然之勢也若夫一將功成萬國枯者非今日之事也今各國出於不得已而交戰蓋萬國交涉所歸極非決之於兵力則不能裁斷邦國交際之紛爭故各國所以蓄糧足兵雖非欲戰而預為防備以保持武力之權衡而防禦戰爭之破裂也於是有識之士方謀求於戰爭以外撤去武備之策是為調停之法如所謂交涉議論是已要之於交戰以外能裁酌外交者有三焉一

為尋常所稱外國之議即兩國互有所主持提倡而兩國若固執不動則亦不能息其爭議也二為調停若二國有交戰時另有一國居其中間而欲裁斷彼兩國爭議然兩國不服其所裁斷則亦未必能弭兩國之爭議也三為中立裁斷此法頗似前例然宗旨稍異即兩國有交戰時一國居其中間豫約兩國從其所裁斷而後調停兩國之交涉也古來行此等之法頗多條例據希臘史學家酒止得士所稱史伯大國王亞老自耽母士亦嘗稱兩國裁斷之法以為善舉曰敵國若能聽中立者之裁斷則進兵攻擊之事定必以為非法也又亞老我士與拉些得蒙同盟條約中亦云宜準先代之遺法與中立國裁斷而決兩國之爭議由是觀之亦可見嚆昔希臘諸邦善行兩國裁斷之法矣中古之世羅馬法皇善裁斷歐洲諸國爭議以遏其戰鬪矣及威名漸衰列國日益爭強無能禁止至近時列國亦有專意於此現持此宗旨與會者至有九十四處之多而以瑞士伯爾尼首府和局調停會最為翹楚諸國政治家學人等為此會員以千八百八十九年始開第一次會於法京挽女使堂為議長每年一次開大會於歐洲諸京美國亦以千八百九十年倡興此等會母索氏實為倡首又在歐美諸國議院亦以此等法為有益於調停國多千八百三十三年美國馬索朝食多元老院亦謂須設邦國交際法公署千八百九十年美國國會建議云宜與列國商調停邦國交際爭戰之法千八百九十三年英庶民院答美國云此意甚善敝院亦謂英國宜致力於此丹麥瑞威瑞士法國奧國等議院亦畧同其意英抑調停邦國交際事本屬美事固無論已其見諸行事亦所在多有焉千八百十五年以來實見之六十次而內中三十二次實有閱繫美國且條約文中明記其事者亦有之千八百四十八年美國與墨西哥所訂約及千八百九十四年葡國與英國並公額所訂之境界條約千八百九十五年比利時與丹麥希臘瑞威瑞典所訂約千八百八十八年瑞士與法國爾古牙多路並差汝把多路所訂約千八百九十四年西班牙與軍要拉士所訂約比利時與哥蘭爾國並哇布所訂約皆是也然於諸強國之間未見有訂此等約者若其有之以本年正月十一日英美所訂之調停國爭條約實為創始蓋英美立國雖異而其人民言語種族本同習俗亦未有大異故遵行此約亦應不難也自千八百九十五年開始有毀里爾亞之事英美稍覺不滿意氣阻隔將有岌岌之勢既而兩國亦有悔心以毀里爾亞之事相與調停遂至訂調停條約將及於他國交際之上初英國政府所見與美國頗異美國國務卿阿老尼欲擴大調停之所及而英相然羅士美利稍節制其所及美國之意在欲調停一切爭而調停者之所裁斷則兩國須服從之英國所見異此故事關於國家之體面與屬地則此等調停亦不能收效焉然未能一閱該條約所記何如意者兩國已稍降心相從始訂此條約也試錄列如下

一 闕未滿十萬鎊之爭議則英美兩國各選一名律家更使此人選一人為調停者如兩國所選之人各持意見不能相合當

另舉一人則須請瑞典瑞威王遴選一人苟此三人者所裁斷二人意見相同則為公正

二、闕出十萬鎊以上爭議並除屬土事件外一切之爭議選調停者如上所記而三人者同意見而裁斷之是為公正無若

不欲從此裁斷則許其更折於別人而選別人之法亦如上所記其員數為五人在五人中三人同意見則為公正

三、關於土爭議是兩國所願苦心而成也然條文未盡明白姑聽閱如要知此條約之真意蓋皆欲避爭戰而於權紐之間裁

斷爭議也
據美國憲法凡訂條約必當經元老院批准元老院未必贊成總統之政策故此條約舉為兩國協定與否未必可知然此意
甚善實為有利於列國也按史伯大據四為年表蓋前十二國之一立國于周靈王時至漢景帝時得于羅馬周靈王十
二年在阿非利加之西都城

英國大赦奴僕記

英人沙士勃雷附

現君主御宇六旬之期舉國臣民應行祝典沙士勃雷侯因言于大君主之前謂我君主自即位以來薄海臣民同沾厚澤今
恭逢君主登極六旬之日理宜大赦國中使同深感戴惟晶罷偏罷兩地豪富之家尚多蓄奴僕今請大君主下令國中使各
家奴僕一概免為平等又凡國中政令如有病民之事當下之議院改革乃為公溥憶前我英與埃及土耳其等國凡屬富室
皆蓄奴僕以為風氣及一千八百七十六年與各國立約有買奴之禁此係天誘其衷故人心共明大義又一千八百八十九
及九十年將所開市買奴之地一概禁毀並有轉賣奴僕之子孫者亦悉禁絕故一千八百九十年十一月一號令富室將
所蓄奴僕概行放赦有不遵令者議以重罰遂以為樂絕風清矣不料晶罷偏罷兩島依然留蓄奴僕此是絕無理之事君主
慎無視為緩圖也憶自一千八百七十六年我英有放奴之令典各國富家所養之奴僕因是而逃來我英以求保護者至今
計存其遺種共有一十四萬餘人以前時所買奴僕之價考之每人值銀五十圓皇家各有抽收以充國用乃當時之人相沿
不察竟無訛議由今思之凡天地生人圖顧方趾本無厚彼薄此何世人有以販賣人口為事業賤待奴僕為得體者乎嗟嗟
蒼蒼蒼民无罪无辜不仁之人竟以萬民為芻狗而使同類者坐受此困辱也豈不忍哉凡此販賣奴隸賤育婢僕之輩我今
尚與之周旋於世上若能嚴申禁令使天下之人皆平等相待不至光天化日之下尚多人面獸心之人與我相處也查晶罷
偏罷兩島所養之奴通使耕植田園子孫世及仍驅作賤不能自遂至奴僕中有從東亞非利加洲買來者若使之任田工彼
仍懶惰若使之管家政署為可任耳然亞非利加洲人非盡自鬻于人也查其各地酋長如鐵幣之絕便將所轄人民盡賣價

值以充費用故為奴者多半自非洲販來惜當日國家無買奴之禁人心又無一視同仁之量故被鬻之人隨其所遇如遇耕田主人即作耕田事業課時間雨而外不知人間復有何等事是獸畜之而已又查其課工之定程每禮拜須作工五日冬間往別家僱工工錢分半與主人如有子女欲行婚嫁主人仍索回身價至其居處之地縱有事故主人亦未嘗入其門倘其奴積有貲財主人如許其贖身則可以納價自贖如主人不許仍不能贖也且畜奴之家寧常無常以離其萬里之人事事仰給於主家猶不如意便橫施笞楚毒受凌虐想此中人不勝其愁苦矣嘗有仁愛之人每欲煽動國中奴僕使他叛其主人後從中倡論俾得自主無如智識未開人多愚蠢稍有貲財便懶於興作此所以甚難於提倡也然彼雖冥頑而既為我之同類亦何忍漫致苛毒乎英人在非洲經商多畜黑奴以供驅使及財貨充盈加恩放赦而此後亦不與往來此亦未嘗無賤之心也我英廷今日不獨令國人不宜畜養並當廣行教化使黑奴種類亦知事理庶幾我英屬地在非洲各處者增加守教受化之民豈不美乎且此等黑奴萬不可謂其不可教也譬如初小孩童無知識父母愛之恐其愚昧而為人役也不憚朝夕勤勞設為良法以教之便能成立非洲黑人猶是人耳可不發慈祥之念而使之得遂其生耶如禁令既行教化更廣庶幾宰土之人羣視我英為樂郊樂國如此不愈見皇風遠播而遐邇蒙福乎

美民主記

差利刀附

美為民主之國人皆有權人能議事國有大小事皆由議院定之院分上下黨分新舊而決事則從眾年及二十一歲在議院長註冊即為議事之人議於朝者為上議院議於下者為下議院然上議諸員必由下議院舉之國有大事由下議院會議後達於上議院上下議院費由公撥給初設議員則舉手為號後改為投票議民主時十一月為期四年一任上議院諸員則兩年一任任滿由下議院舉之無論村鄉城鎮皆有下議院也至各省選舉大小官員或一年一任或二年一任各處之風俗不同其例亦稍異也決事之可否以人多為可若欲議某事先錄其事於報紙欲舉某人先榜其名於通衢然後定期會議故上下通情君臣同德也初議院之議事也欲議某事議院長對眾人宣示如某人許可則舉手為號三人從二以多為貴聞有不公之人齊舉兩手者總議事人見舉兩手有作樂故令可其事者皆起立議員長數坐立之多寡以決是非其不以為可者任其慷慨辯論有避嫌不欲見諸言語因而緘默者更有工人論及工事因東主與聞不便明言致引嫌者則用紙書其事之是非此投書之法所由來也故議事時用紙書其事或用紙書其人名曰投書然法立弊生亦有公舉人才徇親故私情去議至舉者更亦有素不辦事黑白未分而謬書某人可某人不可者更有富人欲鑽營要職徧賂投人而得舉者有兩人以酒而得

爭者食人一飯濟人乘輿而得舉者但受人所買皆是愚昧無知之流豈知人不稱職必致叢控居國大事害亦及己議院之門詎可為最惠之地乎前全列議事條例更足令人欽佩近日英國及英屬澳大利議院章程亦稱嚴密每議事時由議院發籌各人到院予以一籌設有書籌房祇許進一人若某人入房書籌則聞人局其房門書畢即出將籌投於箱內以一人掌其箱並無投少投多之弊其法可謂盡善矣我美法而行之前此之弊盡皆掃除故凡美民年二十歲先在議院長註冊若外僑居者先入美籍方準註冊至投籌時令一人掌執籌箱來投籌者先驗其註冊方準投入前有越境議事則不能矣若居本省不能往外省議事倘遷居外省數年註冊後方準投籌因各處俗例不同必熟識該處風土人情始能了其事也美國之例若世居於東方而商務多在西方者雖有納稅於西方其家尚在東方者仍不得在西方議事凡外國人在美產及有家財產業於美者即視之為美人即能入籍投籌美廷於民之貧富視同一體女子不預議事之列未免重男輕女為不可解耳前英人遷居美洲時與野番煙塵人爭戰煙塵人悍甚婦女不敢出故不到議院然戰陣之事非女子事故不與議或者遲之又久登而進之未可知也朝廷保護子民男女亦同一體況今日公家之書院甚多男女皆已入院肄業皆已明理且女子納稅於國家者亦不少而我美又文明之邦男女平等亦因其所前者議員亦論及此事有議員云間有女子愚昧若準其投籌議事則甚無益如果有聰明才幹則在家庭課子出而議事可矣倘日後民智日開女子能入院議事以展其聰明才力外國聞之必欽羨我國教化之美者然不能求於今日也究之勿附其黨勿比其私使舉國不受其毒禍斯為得矣

地球六大罪案考總序

劉楨麟

號物之不仁者曰蟲之蠹魚之獺鳥之鷹鵠獸之豺虎豈非以其頑暴為人害哉古王之制法也殺人者死傷人者抵罪惡其傷天而殘同類也雖然蟲獺鷹鵠豺虎雖不仁而未嘗害其蟲獺鷹鵠豺虎之類也殺傷人者死抵罪夫人得而知之矣若夫以險惡之性復尋之謀坑阱之具刀鋸之威重之以憑尊俯卑陵踐蹴踏舉天下具體之倫同氣之類莫不覺其支體繫其羽冀翎其知覺剖其腹心使之屏氣而不敢動曳尾而不敢逃其流毒至於四千年播殃及於九萬里而噬噉盡矣噫噫噫方且樂於組頌於宰歌於樞慶於羅如大羊如燕雀馴焉投焉未有一破其昧而鳴其警者也豈不異哉豈不痛哉夫人生宵壤之間被靈於天分形於地首同圓足同方體同支喏喏者皆造物之息也孽孽者皆上帝之初也非有此疆彼界之域陽尊陰卑之殊我強爾弱之異徒以公理志私義出弱為肉強為食坐使頹然顏面而屈膝貼耳委體寄生於強有力者之宇下誠足哀矣嗚呼既屈辱之矣又從而辱焉胡為其忍之哉

先王知其然矣故其立國也有分土無分民其為國也用民不過三日其征誅也以救民其王天下也以保民平其爭曰與國
人交親其類曰為民父母彼豈不知名分之界威權之力利祿之路當徒之弊可以牢阱之心奴隸天下之膝因虜天下之體
使之不我悖不我去而後快於心也然而不為也豈非愚傷其同類哉孟子曰民為貴又曰民為邦本荀子曰民不歸國無與
立寡抑君而伸民耶民之多寡繫夫國之強弱與民之智愛國夫國之強弱古之人其於民也井田以育其家學序以智其心貢
舉以榮其身什一以薄其賦時使以紓其力詢訪以通其氣登拜以植其節愛之也如彼敬之也如此匪惟愛敬之又恐其不
給焉故老弱則存問之殘疾則手撫之札荒則同納之死亡則親弔之凡有便於民利於民者未嘗顧惜而不為也此所以民
氣厚而國日治三代盛乎胥是道也

雖然大同之世尚仁據亂之世尚力先王之治天下也以公後世之治天下也以私先王之於民也欲其智後世之於民也欲
其愚古今魁桀雄武之流乘時而起欲以利其天下厚其權力尊其祿位順其指臂據他人之自有而不使其知讓他人之所
共而悉歸於獨者蓋比比然矣而猶未以為大罪也夫天下之大民物之衆畫而溝之封而域之界而國之各魁其土各傳其
民各善其紀雖其私也竄不校善而獨有汚君獨夫民賊縱一人之怒而毒千萬人之生靈顧百年之圖而愚弱千萬年之世界
此其禍雖洪水猛獸不能比此其罪雖更僕權髮不能數此其心雖孝子賢孫不能諱而其人猶赫赫聲濯靈炯千古而亘五洲
也嗟乎不為罪之反為功之此則可為悲憤而痛哭者也

禮運曰爭奪相殺謂之人患老子曰法令者非以明民將以愚民也嘗考三千年青史氏之策五大洲萬國之志庶塵世孽衆
莽與喪其號稱最酷無道者蓋有之矣若乃商受之剗孕斯涉宋倫之射天醺人李郭之焚殺長安劉石之蹂躪河洛金幹離
不之殘掠宋汴其忍酷無道人人能言之也百年以前歐亞大亂羅馬之強也馬黎約破深不爾殺死者四十萬人第度滅猶
太餓死者六十萬人役屬之內臣民二千萬奴隸六千萬其忍酷無道人人能言之也法蘭西之興也沙爾馬破西班牙死者
三十七萬人馬撒蘭霸西方用兵至四十年設巴士的之大獄以久困其民縱十五萬之家以虐役其衆其忍酷無道人人
能言之也波斯之衰也大流士驅五百萬之人以伐希臘而僅以身免西弗森率一百萬之衆以拒阿富汗而幾無遺種其忍
酷無道人人能言之也皇教之興也創十字軍以誅異教之徒用兵至一百七十二年歐人死者至二百餘萬從新教者設官
建獄以虐之從其教者膝行舐足以賤之其忍酷無道人人能言之也夫禍亂惡極既莫逃筆古之詩至於險戾陰兇著為魁
桀者乃軼網逃刑逍遙原下其謂之何哉春秋立詩意之條國法定首從之律標厥主名擗揚罪戾此則十五萬萬人之所同

者也主名者何亞力山大秦皇帝摩哈默成吉思汗明太祖拿破崙也

難者曰聖人立義善善從長惡惡從短且歷有功過相抵之條上觀百王下觀百王惟六君之功為最盛今夫馬其頓當離畔之餘亞力山大出繼名父之志復先世之仇滅波斯破埃及入印度遂為中亞東之盟主矣今夫秦當列國合縱之厄始皇出并六王一稟宇宙封建為郡縣築長城拒強胡遂破千年爭擾之局矣今夫亞喇伯野悍之番族摩哈默出創回回之教著可墨之經隸屬者十餘國版依者數百萬人遂赫然為千年之教主矣今夫蒙古游牧愚陋之賤族成吉思出通中原控三洲闢地之達南至剌印度北達北冰海東至遼東朝鮮西達小亞細亞幅員廣闊大振古未有矣今夫明無尺寸土寸兵之憑藉太祖起布平大亂掃殄羣雄創建法制遂定三百餘年之宏基矣今夫法君當尊權世家暴虐拿破崙破崙以匹夫主大統挫各國之銳削教皇之權其窮兵之禍雖中於法蘭西其改革政政乃大造於各國矣功業之偉嘖嘖稱述未熄人口是何過惡之不足抵乎況一將功成萬夫暴骨自古惟然英雄獨於六君責之也釋之曰古人稱行一不義殺一不辜得天下不為夫積人而成國積國而成天下天下者天下之天下非一身一家之比也以身一家視天下聖者猶將譏之況其以力經營也然此未足以服吾子也請言六君之功業亞力山大之破波斯前後十餘年殺人三十萬囚虜奴役無尸磔體怨毒刺骨又何功業之有秦始皇王之并六國絕人廟祀殘人種類偶語者棄市殺讎者戮族甘為獨夫馴至滅亡有何功業之有摩哈默起無行市儈欺人立教殺人傳道其兇淫不仁乃至掠處女以萬數奴僕至七萬人教宗不振坐將漸滅又何功業之有成吉思率其匈奴愚悍之性滅國四十餘殺人五百萬妻妾五百餘人淫掠子女焚滅詩書為聖教所不容黃種所不共又何功業之有明太祖揭竿斬棘乘便倖獲乃酷刑非法而假子治亂以文其姦如害功臣而目為姦黨以指人口殘忍陰兇報復後嗣又何功業之有拿破崙攘據大位兩亂法國用兵十九年殺人數百萬一敗于俄四敗于英戰禍之慘為地球所未有卒乃身為虜幽死荒島何功之有老子曰聖人不仁以百姓為芻狗後之人斤斤焉震耀六君之威名譽羨六君之偉業是真乃老子之所謂聖人者也而奚其功罪之相抵耶

難者曰私其國者治一國私天下者治天下其民智者其國強其民愚者其國弱六君雖武健嚴酷以快一己之圖未必不審機慮愚以私其天下而甘為自弱之計而吾子顧罪以殘民復益以愚民之號得毋深文之甚乎釋之曰六君愚民之術容有深淺之差乃若其心則可見矣亞力山大拿破崙皆以武力陵人而非盡恃陰謀壓抑之智然而一則逼其民尊之為神而談理學者殺之一則給其民為民主而旋據皇帝之權以為後嗣計閹閹駢駢可測耶若夫秦始皇焚詩書坑儒士墜名城銷